

## **Circuíto Mozo FEGATRI Supersprint 2021**

### **Cadete – Xuvenil – Júnior**

#### **Presentación e exposición de motivos**

Dada a importancia crecente das distancias máis curtas nas probas e ránkings nacionais, coa finalidade de promover a organización de probas en distancia supersprint e a participación nas mesmas de deportistas das categorías cadete, xuvenil e júnior, a Federación Galega de Tríatlon e Péntatlon Moderno crea o circuíto 2021 de probas supersprint para mozos e mozas categorías cadete, xuvenil e junior.

#### **Regulamento Xeral**

Formarán parte deste circuíto todas aquelas probas baixo amparo federativo que celebren carreiras supersprint, cuxos organizadores manifesten á FEGATRI a súa bondade de formar parte do mesmo, cumprindo sempre os seguintes puntos xerais:

#### **1. Probas e distancias:**

- Dúatlon de estrada supersprint: 2 km + 5 a 8 km + 1 km
- Tríatlon de estrada supersprint: 250 a 300 m + 6,5 a 13 km + 1,7 a 3,5 km
- Acuatlón distancia “remuda”, formato natación-carreira: 500m + 2,5 km

\* as distancias poderán axustarse motivadamente, de acordo ás tolerancias regulamentarias

#### **2. Participantes**

- A participación no circuíto será exclusiva para deportistas con licenza FEGATRI en vigor na tempada 2021 das seguintes categorías:

- Cadetes: nados en 2006 - 2007
- Xuvenís: nados en 2004 -2005
- Juniors: nados en 2002 – 2003

#### **3. Clasificacións.-**

Cada proba terá unha clasificación individual para cada unha das categorías masculina e feminina e unha clasificación de clubs mixta. A clasificación de clubs farase segundo se especifica no punto 3.b.

#### **4.Premios (non poderán ser económicos)**

- a) Premios de cada proba, trofeo/medalla a cargo do organizador, para os tres primeiros clasificados de cada categoría e sexo e para os tres primeiros clubs.
- b) Premios finais de circuíto a cargo da FEGATRI.

## 5. Inscripcións.-

- a) Serán gratuítas para as tres categorías do circuío.
- b) Establecerase un prazo de prioridade para a inscrición das categorías establecidas, ata o domingo da semana anterior á proba, reservando un cupo de prazas para cada unha das tres categorías e sexos no caso de probas con participación limitada. No caso de non completarse as prazas, a partir do luns poderase abrir a inscrición a calquera outra categoría, ata completar o número de prazas ofertadas coa cota establecida polo organizador.

## 6. Sistema de puntuación en cada proba do circuío:

- a) Individual
  - a. en cada proba, cada deportista recibirá tantos puntos coma o posto acadado na clasificación individual da súa categoría e sexo. Calquera deportista non finalizado (NF) formará parte do circuío pero acadará (75 puntos).
- b) Clubs:
  - a. A clasificación por clubs sempre será mixta; en cada proba. Confeccionarase coa suma de postos de 6 deportistas, sendo cada un destes o/a mellor clasificado/a do club en cada categoría e sexo.
  - b. Se un club non ten representación na clasificación dalgunha das categorías, recibirá 100 puntos. Considérase representación ter tomado a saída na proba (75 puntos).

## 7.- Clasificación final do circuío

- a) A clasificación final do circuío, tanto individual como de clubs, confeccionarase coa suma das 5 mellores puntuacións acadadas. Sendo obrigatoriamente estas probas, 2 dúatlons, 2 triatlons e 1 acuatlón.
- b) Vencerán os clubs que sumen menos puntos. Se un deportista non puntúa en 2 dúatlons, 2 triatlons e 1 acuatlón, non entrará na clasificación final do circuío.
- c) Desempates nas clasificacións do circuío En caso de empate, vencerá o que máis primeiros postos acade, e de seguir o empate, vencerá o que acade o mellor posto no Campionato Galego de Triatlón Supersprint, o mellor posto do Campionato Galego de Dúatlón Supersprint e por último o mellor posto do Campionato Galego de Acuatlón.